

**Kalaallit qimmiata aammalu qimussersuartoqartarneratalu qanoq ililluni kulturikkut
piujuartinneqarsinnaaneri pillugit Naalakkersuisut misissueqqullugit
peqquneqarnissaannik inatsisartut aalajangiiffisassaatusiunnersuut. Susasaqartut
peqatigalugit misissuineq ingerlanneqassaaq, misissuinerlu inatsisartunut
agguaanneqarumaarluni.**

(Inatsisartunut ilaasortaq Doris J. Jensenimit, Siumumeersumit saqqummiunneqartoq)

Pillugu

**Kultureqarnermut, Ilinniartitaanermut, Iisimatusarnermut Ilageeqarnermullu
Ataatsimiititaliap**

Siunnersuutip aappassaanneerpeqarnissaanut

ISUMALIUTISSIISSUTAA

Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaq suliarinninnermini kingullermi uku inuttarai:

Inatsisartunut ilaasortaq Doris Jakobsen Jensen, Siumut, formand
Inatsisartunut ilaasortaq Peter Olsen, Inuit Ataqtigiit, næstformand
Inatsisartunut ilaasortaq Erik Jensen, Siumut
Inatsisartunut ilaasortaq Nivi Olsen, Demokraatit
Inatsisartunut ilaasortaq Sofia Geisler, Inuit Ataqtigiit

UKA2019-imi ulloq 7. november 2019 siullermeerinninnerup kingorna siunnersuut ataatsimiititaliamit misissorneqarpoq.

1. Siunnersuutip imarisaa siunertaalu

Kalaallit qimmiata aammalu qimussersuartoqartarnera qanoq ililluni kulturikkut piujuartinneqarsinnaaneri pillugit Naalakkersuisut misissueqqullugit peqquneqassasut siunnersuuteqartup siunnersuutikkut kissaatigaa. Ukiuni kingullerni qimmit ikileriarujussuarsimanerat tunngavigalugu Kalaallit qimmiata piujuartinneqarsinnaara

siunnersuuteqartup kissaatigaa erseqqissarneqassasoq. Tamatuma saniatigut siunissami qimussersuortoqartarnera qanoq ililluni kulturikkut piujuartinneqarsinnaanera aamma erseqqissaqquneqarpoq. Naalakkersuisut misissuineranni soqutigisaqartut attuumassuteqartut ilaatinneqarnissaat siunnersuuteqartumit siunnersuutigineqarpoq. Misissuineq inatsisartunut agguanneqassasoq naggataatigut siunnersuutigineqarpoq.

2. Apeqqutit

Ataatsimiititaliap suliarinneranut atatillugu Apeqqutit arlariit Ilinniartitaanermut, Kultureqarnermut, Ilageeqarnermut Nunanullu allanut Naalakkersuisumit akineqarnissaat ataatsimiititaliamit qinnutigineqarpoq. Ataatsimiititaliap apeqqutai Naalakkersuisullu akissutai isumaliutissiisummut matumunnga assilineri ilanngussatut ikkunneqarput.

3. Ataatsimiititaliap siunnersuummik suliarinninnera

Kulturip pigineqartup nunanullu immikkoortuani pingaaruteqarluinnartup piujuartinneqarnissaa ataatsimiititaliap suliamut tunngatillugu isiginneriaasia malillugu pingaartuuvoq. Kalaallit qimmiata piujuaannarnissaa Kalaallit Nunaanni ileqqutoqqat malillugit piniartutut inuussutissarsiuteqarnermi pingaaruteqarluinnarnera uani isumaqarfigineqanngilaq tamanna ataatsimiititaliap susassaqrifiisa avataaniimmat. Piniartutut inuussutissarsiordermi qimussinik kalaallillu qimmiinik atuisarnerup qimussersuortoqartarnerullu ingerlanneqartarnera imminnut ataqatigiilluinnarnerat qularnanngilluinnarpoq.

Ukiuni kingullerni suliat aallaavigalugit kalaallit qimmiata qimussersuortoqartarnerullu siunissami piujuaannarnissaasa qulakkeerneqarnissaasa oqaluuserinissaa ataatsimiititaliap siunnersuummik matumunnga suliarinninnermini pissusissamisoorsora. Tamanna tunngavigalugu ataatsimiititaliaq arlalinnik Naalakkersuisunut apeqquteqarsimavoq. Kalaallit qimmiata piujuaannarnissaanut tunngatillugu Naalakkersuisut paasissutissiipput imatut:

”Kalaallit Nunaata sananeqaataa aallaavigalugu qimmeqarfiiit qimmeqarfiumngitsullu assiaqusersorlugit immikkoortinneqarsinnaanngillat. Kalaallit qimmiata qimuttup immikkuullarissup qimminit allanit qimuttuumngitsunit akuneqarnissaa innuttaasup kissaatigippagu, tamanna unitsissallugu ajornakusoortussaavoq.

Erseqqissumik oqaatigalugu pissutsini ataasiakkaani sakkussanik atorineqarsinnaasunik Naalakkersuisut amigaateqarput. Qimminut tunngatillugu inatsit atuuttoq 1998-imeersuuvoq taannalu naapertorlugu akiliisitsinerit kisimik aqqutigalugit pineqaatissiisoqarsinnaavoq. Suliassaqriffimmut tassunga tunngatillugu akisussaaffiit pineqaatissiisarnerillu erseqqissaatigisarnissaat ajoraluartumik

pisariaqartarsimavoq. Qimmit pillugit nutaamik inatsisiliortoqarnissaa UPA 2020-imi siunnersuutiginiarneqarpoq. Inatsit taanna aqqutigalugu pineqartunut tunngatillugu inatsisaasimasoq sukateriffigineqarlunilu erseqqissaateqarfigineqarpoq. Kalaallit qimmiinik qimuttunik qimmeqarfinnut qimminik allanartanik eqqussisoqarsimatillugu iliuuserineqartartussat inatsisissatut siunnersuummi sammineqartut ilagaat. Qimmit pillugit inatsisissatut siunnersuummi nutaami sakkortunerusumik pineqaatissiisinaanissaq periarfissiisutigineqarpoq, akisussaaffeqartarnermut tunngasut ersarissarneqarput aammalu pasinartoqartillugu iliuuseqartarsinnaanissat periarfissiisutigineqarlutik.

Kalaallit qimmiat siunissami isumannaatsumik inissisimassappat inatsisiliornerit kisimik isumalluutaasinnaangillat. Naalakkersuisut erseqqissumik isumaqarput isumannaatsumik qimuttunik qimmeqartarneq piniarneq aalisarnerlu eqqarsaatigalugit kulturitsinnut ilaalluinnartoq. Kulturi taanna attanneqartariaqarpoq, meeqqanullu, innuttaasunut tikeraanullu avataaneersunut qanilaartunngortinneqartariaqarluni. Ilisimasatoqqat ilisimatusarnikkullu ilisimalikkat nutaat tamanit iluaqutissanngorlugit qimmeqarfinni atorineqartarnissaat aammalu kalaallit qimmiata immikkuullarissup illersorneqarnissaat pingaaruteqarput. Ilulissat kangerluani takornarianut sullissivissami qimminut immikkoortortamik pilersitsinissaq takorluugaavoq. Tassani ilinniartitsisarneq, ilisimasanik paarlaasseqatigiittarnerit ilisimatusarnerlu sammineqartassapput, paasissutissallu tassanngaanneersut atuarfiit aqqutigalugit meeqqanut atuartunut, katersugaasivinni aqqussuussinissanut ilinniarfinnullu allanut siammarterneqartassapput, tassani siunertarineqarluni naleqalersitsinissaq aammalu kalaallit qimmiata qimuttup piujuaannarnissaa.”

Nunatsinni qimmeqarfiusunut allanik qimminik racenik eqqussisinnaanermi nakkutilliinermi nunap immikkoortuisa unammillernartui ataatsimiititaliap paasisinnaavai. Tassunga atatillugu sumiiffinni qimmit tamatuminnga pinaveersaartitsisuunerat ataatsimiititaliap paasivaa. Amerlanertigulli qimmimik allamik racelinnik eqqussisoqareersimanerani aatsaat pinaveersaartitsinerusarpoq. Eqqussisoqarsimatillugu ajoqusiinernik killilersuutitut illersuineq taanna sunniuteqarsinnaavoq, soorlu tamanna assersuutigalugu suliani ingerlasuni takusarsimagipput.

Kalaallit qimmianik piujuaannartitsinissamut suliaqarnissamik naatsorsuuteqarneq ataatsimiititaliamit pitsaasutut isigineqarpoq maluginiarlugulu UPA2020-imi suliaasaqarfimmi inatsisissamik nutaamik siunnersuuteqarniarlutik Naalakkersuisut naatsorsuuteqartut.

Inatsisiliornerup kisimi atorneqarsinnaannginneranik Naalakkersuisut isumaqarnerat ataatsimiititaliap isumaqatigaa. Qimuttut kultureqarnikut atorneqarnerisa attanneqarnera ilisimatusaatigineqarneralu taamatuttaaq pitsaasumik tamatumunnga sunniuteqarsinnaavoq.

Siunnersuut pineqartoq akuerineqassappat ilisimatusarnerup pioreersup ilanngunneqarnera pissusissamisuussaaq. Taamaalisukkullu misissuinissaq kissaatigineqartoq pineqartumi inatsimmik ineriartortitsinermut peqataassaaq aammalu kommuninik sumiiffinnilu innuttaasunut kalaallit qimmianik illersuinissamut sakkussamik tunniussaqluni.

4. Siunnersuutip aningaasatigut kingunerisassai

Aalajangiiffigisassatut siunnersuutip piviusunngortinneqarnerani aningaasaqarnikkut allaffisornikkullu kingunissat siunnersuummut tunngavilersuutini alaaserineqassasut Inatsisartut suleriaasianni § 33, imm. 1-imi allassimavoq.

Ataatsimiititaliap maluginiarpaa tamanna naapertorlugu siunnersuummik piviusunngortitsinermi aningaasaqarnikkut kingunissat siunnersuummi allaaserinneqarsimasut. Taamaalluni siunnersuummik piviusunngortitsineq atorfilittap ukiumi ataatsimi aningaasarsiaatut annertutigisunik atuiffiussasoq nalilerneqarpoq, tassa 500.000 kr-inik. Misissuineq pineqarmat allatut naliliinissaq ataatsimiititaliamit tunngavissaqarsorineqanngilaq.

5. Ataatsimiititaliap inassuteqaatai

Ataatsimiititaliap **isumaqatigittup** siunnersuutip **akuersissutigineqarnissaa** inassutigaa.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.




Doris Jakobsen Jensen
Siulittaasoq




Peter Olsen
Siulittaasup tullia



Erik Jensen



Nivi Olsen



Sofia Geisler



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq
Att.: Inatsisartut ina@ina.gl & Rikke Frederiksen rfr@ina.gl

**Kalaallit qimmii pillugit UKA2019/UPA2020-imi imm. 211 aqutigalugit
eqqartorneqartut pillugit allakkatigut apequtigineqartunut akissut**

11-03-2020
Suliap nr. 2020 - 3240
All. nr. 13046663

Asasara Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq.

Postboks 1029
3900 Nuuk
Oqarasuaat +299 34 50 00
Email: ikiin@nanoq.gl
www.nanoq.gl

Apequtigisasi 14. februar 2020-imeersut Naalakkersuisut qujassutigaat imatullu
akissuteqarfigissallugit.

Ilinniartitaanermut, Kultureqarnermut Ilageeqarnermullu Naalakkersuisoqarfik
akissuteqarnissaminut atatillugu akissuteqaatissanik Aalisarnermut, Piniarnermut
Nunalerinermullu Naalakkersuisoqarfimmut pissarsiniartariaqarsimavoq,
apequtigineqartut tamarmik suliassaqarfimmut tassunga attuumassuteqarmata.

Apequt 1:

1. Iliuserisassatut suut Naalakkersuisumit naatsorsuutigineqarpa siunissami
pinngitsoortinniarlugu:
 - a. qimmeqarfinnut qimminik allanik eqqussuisoqannginnissaa?
 - b. kalaallit qimmiisa qimmillu allat akornanni kinguaassilerneq?

Apequt 1-imut akissut:

Kalaallit Nunaata sananeqaataa aallaavigalugu qimmeqarfiit qimmeqarfiunngitsullu
assiaqusersorlugit immikkoortinneqarsinnaanngillat. Kalaallit qimmiata qimuttup
immikkuullarissup qimminit allanit qimuttuunngitsunit akuneqarnissaa innuttaasup
kissaatigippagu, tamanna unitsissallugu ajornakusoortussaavoq.

Erseqqissumik oqaatigalugu pissutsini ataasiakkaani sakkussanik atorineqarsinnaasunik
Naalakkersuisut amigaaqarput. Qimminut tunngatillugu inatsit atuuttoq 1998-
imeersuuvoq taannalu naapertorlugu akiliisitsinerit kisimik aqutigalugit
pineqaatissiisoqarsinnaavoq. Suliassaqarfimmut tassunga tunngatillugu akisussaaffiit
pineqaatissiisarnerrillu erseqqissaatigisarnissaat ajoraluurtumik pisariaqartarsimavoq.
Qimmit pillugit nutaamik inatsisiliortoqarnissaa UPA 2020-imi
siunnersuutiginiarneqarpoq. Inatsit taanna aqutigalugu pineqartunut tunngatillugu
inatsisaasimasooq sukateriffiqineqarlunilu erseqqissaateqarfigineqarpoq. Kalaallit
qimmiinik qimuttunik qimmeqarfinnut qimminik allanartanik eqqussisoqarsimatillugu
iliuserineqartartussat inatsisissatut siunnersuummi sammineqartut ilagaat. Qimmit
pillugit inatsisissatut siunnersuummi nutaami sakkortunerusumik
pineqaatissiisinaanissaq periarfissiissutigineqarpoq, akisussaaffeqartarnermut
tunngasut ersarissarneqarput aammalu pasinartoqartillugu iliuseqartarsinnaanissat
periarfissiissutigineqarlutik.

Kalaallit qimmiat siunissami isumannaatsumik inissisimassappat inatsisiliornerit kisimik isumalluutaasinnaangillat. Naalakkersuisut erseqqissumik isumaqarput isumannaatsumik qimmutunik qimmeqartarneq piniarneq aalisarnerlu eqqarsaatigalugit kulturitsinnut ilaalluinnartoq. Kulturi taanna attanneqartariaqarpoq, meeqqanullu, innuttaasunut tikeraanullu avataaneersunut qanilaartunngortinneqartariaqarluni. Ilisimasatoqqat ilisimatusarnikkullu ilisimalikkat nutaat tamanit iluaqutissanngorlugit qimmeqarfinni atorineqartarnissaat aammalu kalaallit qimmiata immikkuullarissup illersorneqarnissaat pingaaruteqarput. Ilulissat kangerluani takornarianut sullissivissami qimminut immikkoortortamik pilersitsinissaq takorluugaavoq. Tassani ilinniartitsisarneq, ilisimasaniik paarlaasseqatigiittarnerit ilisimatusarnerlu sammeneqartassapput, paasissutissallu tassanngaanneersut atuarfiit aqqutigalugit meeqqanut atuartunut, katersugaasivinni aaqjissuussinissanut ilinniarfinnullu allanut siammarterneqartassapput, tassani siunertarineqarluni naleqalersitsinissaq aammalu kalaallit qimmiata qimuttup piujuaannarnissaa.

Apeqqu 2:

Kalaallit qimmiisa ajortumeerneqarsinnaanerit minnerpaaffianiitinniarlugu qanoq Naalakkersuisoq iliuseqarpa, ilimatsaanneqarsimappat:

- a. qimmeqarfinnut qimminik allanik eqqussisoqarsimasoq?
- b. kalaallit qimmiisa qimmillu allat akornanni kinguaassiorortoqartoq?

Apeqqu 2-mut akissutit:

Pineqartumut tunngatillugu inatsisissamik nutaamik Naalakkersuisut UPA2020-imi saqqummiissapput tassanilu akisussaaffiit ersarissarneqassapput aammalu pineqaatissiisinaanissamat periarfissat sakkortusineqassallutik.

Apeqqu 3:

Kalaallit qimmiisa qimmillu allat akulerullugit piaraasa toqorarneqarsinnaanerannut pinnaatitsissuteqarneris Naalakkersuisut qinnuigineqarput nassuiaaqqullugit.

Apeqqu 3-mut akissut:

Suliassamat tunngatillugu inatsit atuuttoq – Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr 18,30 oktober 1998-imeersoq aqqutigalugu kalaallit qimmii qimuttut qimminik allanartunik akuneqarsimatillugit toqoraasarsinnaanissaq tunngavissat periarfissiissutigineqanngilaq. Inatsimmi tassani § 19 Kalaallit qimmiisa qimuttut akuneqatsaaliornissanut tunngasoq unioqqutinneqarsimatillugu akiliisitsinnaanissaq kisimi periarfissaavoq.

Med venlig hilsen

Inussiarnersumik Inuulluaqqusillunnga


Ane Lone Bagger